

— AGLAIT —

ILLUNAINORTUT.



Nr. 9

Nain, Merz 1903.

Nr. 9

Gûde pitakaloriktok. [pigañerninga]

Gûde inuktut piusekangilak. Inungne ajungitut tamaita amigatsainarput, tamnale puailaviovoK ajungitunut tamainut. Taimaimat ajoksartut aklujullo sunakangitullo nerriuktuksauvut mikkijolungitomik tapsomangat. Mikkijomik nerriuktok, mikkijomik ikajortauvoK. Angijomigle nerriuktok, amigangitomik saimartauvoK.

Tuksiarnekullo sâvigigungne, inukatiktut iniarasuginiarnago pît. Inukatingnit kenuvotit mikkijunik, mikkijunik kissiane tunijungnaramik. Tamnale kenuvigijungnarpat angijunik, inerkonartuniglo, naksauungituniglo. Gûdemit nerriugijavut mikkiluatsainarput.

Taimaimat tamât ajoksarniptingne Gûde akluitoksoak allagaigilavut. Nerriugvigilavut mikkijolungitomik, pijariakartavut tamaita nâmaksititsungnarpait anginersamiglo ajungitullivigijomavâtigut tuksiarungnarniptingnit. Efes. 3, 20. Illerasungniarata, tamaita nellâgut idluarkutiksappingnut illingajut tunitailiviginiangilâtigut.

Nakormêk, Gûdekarapta akluitomik pitsiarnerme nâpkiningnermelo ajungitullinermelo. Akluinine taimak sakkertipâ Ernermigut Jêsuse Kristusekut, tâpsoma ajungitullivigingmattigut nellekangitomik. Rom. 8, 32. Taimaimat Gûde pitakaloriktok okpervigilavut, nerriugvigilavut sungertutigivlugolo pijariakartappingnut tamainut inôtseme tokomelo issokangitomullo. C. S.

K. 1913 Gûdibapkrutingit.

Tattamnadlarpok, kanok Gûde apkutekadlarmat, nellojut kairkojomavlugit Jêsusemut, ômatingillo opalungaijaromavlugit tussariamut okautsinik tussarnertunik. Nellojut aglangit itsarnitat sinaktômanerillo angutillo illisimaluartut (nellojut nellautaijokotingit sôrlo) apkutigivait nellojut ômatingit opalungaijaromavlugit. Taimak Gûdib sullininga nellojune sakkijârkattarpok, ajokertuijunik tikigiortokalerangat nellojunut.

Taimak pijokartomik Australiame unipkârvigijomavapse mâña. Kaujivose Australiab avatâgut kikkertakarmat unuktunik. Taipkoa illangat kikkertârsuk Australiab kittânêtok „Tongoamik” attekarpok. Jârit 20kassait mattoma sivorngane Tongoamiut illûnatik nellojômmari-laukput sulle inuktômavlutiglo. Mâña Kristusemiolerput. Ajokertuijomut attausênarmut Michelsemut Tongoamiut illûnatik [kattilugit 1000kassakput] tessiortaumavut okpernermut Jêsuse Kristusemut. Tattamnarmaripok, Tongoamiut taimak tuavitigijomik sâgiarmatta Jêsusemut. Taimaglo pijokarajalaungilak, Gûdib nangminek nellojut ômatingit opalungaijalaungipagit tussartitaugiamut okautsinik tussarnertunik.

Jâreme 1879 me ajokertuijok Michelse tikitainarpok Tongoamut. Akunit tagvanêtinago sulle, ajokertuijok tikitauvok uvlut illangane Matabutimut kikertamiut angajokângita illangannut. Pagvisartaukattarlune siorniortitaukattarlunelo inôkatiminut Matabuti kennerpok piulijiksamik nekoksititsijungnartomik. Tikingmat ajokertuijub iglunganut, ajokertuijok kanimavok ânilakteradlarlunelo. Anianingille ikublaturarmatta, nellojok itterkovâ aperivâlo suna pivlugo tikingmangât. Matabutib kiovâ:

„Kuviasukpunga ômamut tamânut, kikertaptingnut tiki-
gavit. Ovatsiaro sinaktômalauk-punga tattamnartomik.
Majutit nuname napârtitaumajut takovakka kilangmut
tôrtut, Gûdelo kânganne iksivajok. Tikigavit nunapting-
nut, kaujivunga tagvainak, igvit illingakataugavit maju-
tinut taipkonunga. Kujalidlarajarpunga kaikattarniaruvit
igluptingnut, unipkârvigivluta kaujijarnik tamainik
majutit taipkoa kilangmut tôrtut pivlugit.” Opinarane,
ajokertuijub nellojub okausingit kuviagidlarpait. Akik-
tautuaramelô aivok Matabutib inukotinginut, okâlavigiv-
lugit okautsinik tussarnertunik, illaliortautsiarporlo tâp-
konunga.

Ovatsiaroleremat ajokertuijok Michelse igluliorpok
makpilitakartillugo kikkianik. Tongoamiulle takkunârtut
tattaminiarlutik nipliavut: „Marikitolangib nellautaineri-
lauktangit nellautsimarikput”. Okâlavlunelo ajokertuijok
ingergarmat kikkertakut, okartokarivok: „Nellautsititsi-
marikpotit Marikitolangib okausingiuk”. Ajokertuijok
okautsinik tukkisijungnanginame, Tongoamiut aperivait,
Marikitolangi kinaumangât. Unipkârtokarpok imâk:
„Marikitolangi inôlauk-pok jârit 200kasait mattoma sivor-
ngane kikkertaptingne. Uvlut illangañe inûkatiminut
okausekarpok imak: unuarne sinaktômavunga takkoti-
tauvlunga pijomârtuksanik kikkertaptingne. Kañingitok-
soarmit tikitokaromârpok uvaptingnut adsigingitapting-
nik kablunâmik. Anorâvut amerat sakkuvullo ujarkat
attorungnairomârpout tagva, anorâksakartitaujomârapta
sakkokartitaujomârlutalo ânanaunersanik. Assianimarik
illinganekaromârpogut. Kakkârulangme tamattomane
[taimak okartillugo, kakkârulab ajokertuijub Michelsib

iglolorvigijanga tikkoarpâ] каккârulangme mattomane
 kablunâk tikituksak kikkertaptingnut iglokaromârpok,
 tessioromârluta kaumajomut". Tussartullo takkotillugit
 ujarkamik mañitsiartomik okautivait: „Takuitse, iglupta
 kângane ivivinekatuinarpok, ajokertuijuble tikkituksab
 iglungata kângane makpilitakaromârpok ujaraujârtunik.”

Tattamnalungilak, Tongoamiut taimak opalungaijar-
 tauvlutik Gûdemut nangminek ajokertuijub tikigianga-
 nut illaliormatta okausinginik kuviasuklutik.

Nellautsilungilâk unipkautsitigut tamakkotigûna, kanok
 Gûdib uvlome sulle nellojut sullivigingmagit, ômatingit
 opalungaijarlugit? Illa, Gûdivut inornarpok, apkutiksa-
 karpok sunatuinarnik, inuit piulijomavlugit tâktub pit-
 sartuninganit.

A. M.

K i o t s i a r t o k .

Aniasiorte okpingitok mittautekarlune okarpok ajoker-
 tuijomut: Okâlakattarpotit, t a r n i t piulijomavlugit.
 Tarnemik takolerêralloarkêt? Aukak. Tussalerêkiuk?

Aukak. Kannernullônêt ôkiuk? Aukak. Naimavi-
 uglônêt? Aukak. Ikpigilerêrkiuk? Ahaila. Ikpigi-
 tuinarangne takonagole tussarnagolo ôngnagolo kanner-
 nut naimanagolo, tarnekangilak imakâ.

Ajokertuijok kiovok: Aniasiorteovotit, â n i a k
 takolerêrkiuk? Aukak. Tussalerêrkiuk? Aukak.
 Kanernullônêt ôkiuk? Aukak. Naimaviuglônêt?

Aukak. Ikpigilerêrkiuk? A h a i l a. Takkuit, âniak
 ikpigijungnartuinaralloarlugo kollalunginavit âniakar-
 ninganik, kollarniarminak, tarnekarmingmat, ikpigijung-
 narangne.

A. M.